

SARS E THOPA R1-BILLION YA KGETSI YA TŠHIROGO YA MOTŠHELO

Pretoria, Labone, 28 Nofemere 2019 – Ba Ditirelo tša Motšhelo tša Afrika Borwa ba amogela kahlolo ya Kgorotsheko Kgolo ya Boipiletšo (“the SCA”) yeo e fedišitšego kganetšano le Africa Cash & Carry.

Tše dingwe tša melawana ya semolao yeo SCA e e dirišitšego, e akaretša maatla a Kgorotsheko ya Motšhelo ya go fetoša ditekolo go ya ka karolo 129(2)(b) ya Molao wa Taolo ya Motšhelo, 28 wa 2011 (“the TA Act”) ka ge go le kgatphanong le maatla a go swarelela kelo morago go SARS go ya ka karolo 129(2)(c) ya Molao wa TA le tlhathollo ya maikarabelo a SARS ge go hlokega go tlhatsela gore kelo yeo e lekanyeditšwego ke e kaone.

Kahlolo ya 21 Nofemere 2019 e tlile morago ga dinyakišišo tša SARS tša tirišo ya thekišo ya kgatelelo ya mekgwatšhomo le tirišo mpe ya akhaonte ya dipuku. Dinyakišišo di utullotše go se laodiše tšohle ka ga dithekišo le bomenemene bja dipalopalo tša tšhelete ya setoko gomme e phethagetše ka tekanyentšo ya motšhelo wa letseno le dikelo tša VAT, tšeo di ganeditšwego ke molefela motšhelo. Kgorotsheko ya Motšhelo e fetošitše dikelo gape molefela motšhelo o dirišitše tokelo ya gagwe ya go ipiletša go SCA.

SCA e swareletše taelo ya Kgorotsheko ya Motšhelo, yeo e fetošitšego dikelo gape e tiišeditšego lekgetho la 200% la motšhelo wa tlaleletšo. SCA e ganne boipiletšo bja molefela motšhelo gomme ya ntšha taetšo ya kgorotsheko ka go gaugela SARS.

SARS e ikgafetše go lwantšhana le tšhirogo ya motšhelo yeo e dirwago ka maikemišetšo. SARS e belatšwa ke maemo a obamelo ka go intasteri ya Cash & Carry kudu ka tsepelelo go dikimi tša “Ooplang” tša go ama “Ghost Exports”, ka go se rekhote ga dithekišo tša airtime ya selefounu, go ferenyaka diakhaonte tša dikadimo, go kleima ga mananeotheke a bomenetša a VAT le morero wa Motšhelo wa Letseno, tirišo ya dikhamphani tša gare tša tšhirelo go dira mananeotheke le mekgatšhomo ga go gatelela dithekišo.